



Na osnovu člana 15. stav 1. tačka 2. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09), člana 66. Zakona o pravima, obavezama i odgovornostima pacijenata ("Službene novine Federacije BiH", br. 40/10), člana 14. Zakona o zdravstvenoj zaštiti ("Službene novine Federacije BiH", br. 46/10 i 75/13), člana 107. Statuta Općine Ilijaš – prečišćeni tekst ("Službene novine Kantona Sarajevo", br. 20/09 i 46/18), člana 5. Odluke o osnivanju Zdravstvenog savjeta na području općine Ilijaš ("Službene novine Kantona Sarajevo", br. 17/19), Općinski načelnik Općine Ilijaš, objavljuje

JAVNI POZIV

za izbor i imenovanje članova Zdravstvenog savjeta Općine Ilijaš

I

Općinski načelnik Općine Ilijaš (u daljem tekstu: Općinski načelnik) objavljuje Javni poziv za izbor i imenovanje članova Zdravstvenog savjeta Općine Ilijaš (u daljem tekstu: Zdravstveni savjet), a u cilju ostvarivanja i unaprijeđenja prava pacijenata i provođenja društvene brige za zdravlje građana općine Ilijaš.

II

Zdravstveni savjet na području Općine Ilijaš će brojati najmanje 9, a najviše 11 članova. Općinski načelnik će imenovati predsjednika i članove Zdravstvenog savjeta iz reda predstavnika:

- pacijenata
- zdravstvene ustanove OJ Dom zdravlja Ilijaš,
- Zavoda za zaštitu žena i materinstva-lokalitet Ilijaš,
- apotekarske djelatnosti iz reda registriranih apoteka sa područja općine Ilijaš,
- KJP Veterinarska stanica Sarajevo - Veterinarska ambulanta Ilijaš,
- Općinskog organa uprave iz reda zaposlenika koji se bave zdravstvenom zaštitom,
- mladih iz reda registriranog Udruženja mladih sa područja općine Ilijaš,
- Crvenog križa sa područja općine Ilijaš,
- zdravstvenih radnika iz reda privatnih praksi sa područja općine Ilijaš,
- penzionera iz reda Udruženja penzionera sa područja općine Ilijaš,
- ratnih vojnih invalida iz reda registriranog Udruženja RVI sa područja općine Ilijaš.

Mandat imenovanog Zdravstvenog savjeta traje 4 (četiri) godine.

III

Zdravstveni savjet obavlja sljedeće poslove:

- predlaže i evaluira sprovođenje zdravstvene zaštite na području općine Ilijaš,
- daje mišljenje na planove i programe zdravstvene zaštite na području općine Ilijaš, te predlaže mjere za poboljšanje dostupnosti i kvaliteta zdravstvene zaštite na području općine,
- prati primjenu propisa na području općine Ilijaš koji se odnose na zaštitu prava i interesa pacijenata,
- organizuje obrazovne kurseve za građanstvo iz poznavanja materije o pravima pacijenata i postojeće legislative,
- daje preporuke za organizaciju kurseva u zdravstvenim ustanovama radi upoznavanja rukovodstva i zdravstvenih radnika s konceptom prava pacijenata, legislativom i odgovarajućim nužnim promjenama u zdravstvenim ustanovama,
- prati povrede pojedinačnih prava pacijenata na području općine Ilijaš,
- predlaže preduzimanje mjera za zaštitu i unaprijeđenje prava pacijenata na području općine Ilijaš,
- bez odlaganja obaviještava Zdravstveni savjet u Kantonalnom Ministarstvu zdravstva slučajevima

- težih povreda prava pacijenata koje mogu ugroziti živote ili zdravlje pacijenata,
- obavještava javnost o povredama prava pacijenata,
 - podnosi Općinskom vijeću godišnji izvještaj o svom radu,
 - donosi Poslovnik o svome radu kojim se pobliže uređuje organizacija i način rada,
 - obavlja i druge poslove i zadatke u skladu sa Zakonom o pravima, obavezama i odgovornostima pacijenata i Zakonom o zdravstvenoj zaštiti.

IV

Zdravstveni savjet u okviru poslova i zadataka koje obavlja aktivno će biti uključen i imat će partnersku ulogu zajedno sa zdravstvenim ustanovama i nadležnim ministarstvima i drugim organima i institucijama, u donošenju zakonskih i podzakonskih akata i drugih mjera u cilju adekvatnog zadovoljavanja potreba zdravstvene zaštite lokalnog stanovništva, a posebno u situacijama kada je u pitanju otklanjanje određenih riziko – faktora za zdravlje stanovništva (vodosnabdijevanje, uklanjanje deponija i slično).

V

Pravo na prijavu za izbor u članstvo Zdravstvenog savjeta imaju kandidati iz reda pacijenata, zdravstvene ustanove OJ Dom zdravlja Ilijaš, Zavoda za zaštitu žena i materinstva-lokalitet Ilijaš, apotekarske djelatnosti iz reda registriranih apoteka sa područja općine Ilijaš, KJP Veterinarska stanica Sarajevo - Veterinarska ambulanta Ilijaš, Općinskog organa uprave iz reda zaposlenika koji se bave zdravstvenom zaštitom, mladih iz reda registriranog Udruženja mladih sa područja općine Ilijaš, Crvenog križa sa područja općine Ilijaš, zdravstvenih radnika iz reda privatnih praksi sa područja općine Ilijaš, penzionera iz reda Udruženja penzionera sa područja općine Ilijaš kao i ratnih vojnih invalida iz reda registriranog Udruženja RVI sa područja općine Ilijaš.

VI

Kandidat za člana Zdravstvenog savjeta treba da ispunjava sljedeće uslove:

- da je punoljetni državljanin Bosne i Hercegovine (dokaz: uvjerenje o državljanstvu koje nije starije od šest (6) mjeseci)
- da ima prijavljenu adresu prebivališta na području općine Ilijaš (dokaz: CIPS prijava)
- da je član udruženja/nevladine organizacije registrovane po važećim zakonskim propisima (dokaz: rješenje o registraciji udruženja/nevladine organizacije)
- da ima minimalno tri (3) godine radnog iskustva u instituciji, ustanovi, udruženju, nevladinoj organizaciji (dokaz: potvrda izdata od strane institucije, ustanove, udruženja, nevladine organizacije)
- da uživa ugled i ima evidentne rezultate rada u oblasti u kojoj djeluje (dokaz: potvrda izdata od strane institucije, ustanove, udruženja ili nevladine organizacije).

VII

Prijava treba da sadrži kraću biografiju o kandidatu, adresu i kontakt telefon kandidata, te dokaze o ispunjavanju uslova navedene u tački VI ovog javnog poziva.

VIII

Općinski načelnik će formirati komisiju za izbor članova Zdravstvenog savjeta koja će, na osnovu pristiglih prijava, predložiti Općinskom načelniku listu kandidata za imenovanje u Zdravstveni savjet.

IX

Javni poziv će biti objavljen na oglasnoj ploči Općine Ilijaš, na web stranici Općine Ilijaš (www.ilijas.ba) i Radio Ilijaša (www.radioilijas.ba).

Javni poziv ostaje otvoren petnaest (15) dana od dana posljednjeg objavljivanja, a o rezultatima Javnog poziva podnosioci prijava će biti blagovremeno obaviješteni.

Prijave sa potrebnom dokumentacijom dostavljaju se u zatvorenoj koverti na protokol Općine Ilijaš, svakim radnim danom od 8,00 do 16,00 sati ili putem

pošte na adresu:

Oćina Ilijaš, ul.126.Ilijaške brigade br.6, 71380 Ilijaš

**sa naznakom "Prijava na Javni poziv za izbor i imenovanje članova
Zdravstvenog savjeta – ne otvarati"**

Na poledini koverta obavezno upisati kontakt podatke o podnosiocu prijave.

Neblagovremene i nepotpune prijave neće se uzimati u razmatranje.

Dodatne informacije se mogu dobiti u Službi za društvene djelatnosti i poslove mjesnih zajednica Općine Ilijaš ili na telefon broj: 033/ 580-690.

Broj:01/2-33-2625/2023
Ilijaš,26.10.2023.godine



OPĆINSKI NAČELNIK

Akif Fazlić, dipl.ecc.

Ul. 126. ilijaške brigade br. 6, 71380 Ilijaš
Tel. ++387 33 580-620, 580-690, fax. 400-505,
Transakcijski račun kod RAIFFEISEN BANK BIH,d.d. Sarajevo: 1610000091470429
e-mail info@ilijas.ba



Broj certifikata:HR008740